



**Lvdovici Molinæ, E Societate Iesv Theologiæ Doctoris, &  
Professoris, Commentaria, In primam D. Thomæ partem**

**Molina, Luis de**

**Lugduni, 1622**

Articvlvs I.

---

[urn:nbn:de:hbz:466:1-73915](https://nbn-resolving.de/urn:nbn:de:hbz:466:1-73915)

non sit de malo præsenti, sed de futuro, timor autem ille est actus voluntatis, non verò partis sentientis, qua carent.

A & quædam de industria disputauimus in superioribus in hoc opere: reliqua verò commodius inferuntur in commentariis in reliquias D. Thomæ partes.

## ARTICVLVS IV.

Vtrum aëris sit locus pœnalis demonum.

**D**amones aliquos in hoc aëre relatos usque ad diem iudicij, Aliqui Angeli mali diuina prouidentia relicti sunt in aëre isto caliginoso usque ad diem iudicij ad exercitium & impugnationem nostram, ut vel ea ratione eorum velletati inferuant, qui hæreditatem capiunt salutis, quatenus illorum impugnationibus augetur corona iustorū. Probatur ex illo ad Ephesios 6. Non est nobis collusio aduersus carnem & sanguinem, sed aduersus principes & potestates, aduersus mundi rectores tenebrarum harum, contra spiritualem nequitatem in celestibus. 1. Petri 5. Adversarius vester diabolus circuit quem deuoret. Iob 1. Circuiu terram, & perambulauit eam ergo dæmones aliqui sunt apud nos.

**D**amnatorum secunda conclusio est. Post diem iudicij, quando cœlabit tam missio Angelorum bonorum, propter eos qui hæreditatem capiunt salutis, quād demonum impugnat, locus pœnalis omnium damnatorum, tum hominum, tum Angelorum, erit infernus.

**D**amones aliqui qui perpetuo sunt in inferno. Tertia conclusio. Sicut perpetuo sunt aliqui Angeli boni in celo, ita perpetuo sunt aliqui dæmones in inferno. Patet ex illo 2. Petri 2. Deus Angelis peccantibus non pepercit, sed ridentibus inferni destractoris tradidit cruciandos. De his conclusionibus non est, qui dubitet.

Circa respotionem ad tertium animaduertendum est. Sicut de fide est, post mortem Christi eas animas iustum, quā nihil expiadum habent, statim videre diuinam essentiam, vt prima secunda quæst. 4. latè ostendimus: sic quoque iam hodie non esse dubitandum, dæmones omnes, & animas discedentes in lethali peccato perpetuo cruciari, neque eorum pœnam differri usque ad diem iudicij. Qua autem ratione dæmones, & animæ igne corporeo inferni crucientur, ad finem tertia pars, dum de pœni hominum damnatorum fuerit sermo, commodiū disputabitur. Quonam verò modo dæmones dum in hoc aëre caliginoso versantur, secum deferant gehennam & cruciatum inferni suspicor esse, quia Deus se solo sine causa secunda infligit in eos tormenta, quæ ab igne corporeo passuri erant in inferno.

## QUÆSTIO C VI.

De Angelorum illuminatione.

**I**cet D. Thomas, iuxta ordinem, quem secutus est, disputationem de Angelis diuiserit: placuit tamen illam coniungere, transitumque facere hoc loco ad quæst. 106. in qua de illuminatione Angelorum disserit: & prosequi quæstiones reliquas, quas de Angelis subiungit: tum ne tractatum de Angelis diuidamus, tum etiam quoniam animus nobis est, post integrum disputationem de Angelis, subiungere tractatum quendam de opere sex dierum, eoque finem imponemus his commentariis in primâ partem. Reliqua namque quæ D. Thomas in hoc opere docet, magna ex parte tradita à nobis sunt in commentariis in Aristotelem,

## ARTICVLVS I.

Vtrum unus Angelus illuminet alium: & simul de locutione Angelorum.

## DISPUTATIO VNICA.

**L**U MINATI O in Angelis, qua unus alterum illuminat, non est aliud Angelus, quā manifestatio, qua unus, docens alium veritatem illi occulta, eam illi manifestat. Iuxta illud ad Ephes. 3. Mibi omnium Sanctorum minima data est gratia illuminare omnes, id est, manifestare omnibus, que su dispensatio, &c. Propterea, cum unum Angelum manifestare alteri veritatem illi occultam, illam docendo, non sit aliud, quā cum eo loqui, cui illam manifestat, efficitur, ut illuminatio in Angelis pars quædam subiecta sit locutioni Angelorum, minus latè patens quād illa; omnis quippe illuminatio locutio quædam est: non tamen locutio omnis Angelorum est illuminatio: quando namque Angeli ad inicuim loquuntur de re iam ante utrius nota, est quidem tunc inter eos locutio, non verò illuminatio, qua unus alterum illuminet. Ita D. Thomas quæstione sequenti artic. 2. Caetanus hoc loco, Scotus in 2. dist. 9. quæst. 1. ad aliam quæstem, & alij. Imò verò, vt D. Thomas inferius qu. 109. artic. 3. ait: Non quacumque locutio de re alteri Angelo occulta est illuminatio, sed de re, qua permittit in maiorem notitiam Dei, ac mysteriorum illius. Potest etiam dici, illuminationem presē sumptuose illumini solam, quæ à Deo per superiores in inferiores Angelos deriuatur: hæc autem tantum est de rebus, quæ Angelis omnibus naturaliter sunt occulta, nempe de mysteriis gratia & fidei, de cordis cogitationibus, & futuris contingentibus: quare eiusmodi illuminatio non est in demonibus, sed in solidis Angelis bonis. Si quid autem Angelus unus videat in diuina essentia, quod alteri sit occultum, potest ea de re illumini, sed locutione in proprio genere. Porro illuminationes presē sumptuose post iudicij diem non sicut: quoniam tunc necessaria non erunt, quando status totus militantis Ecclesiæ cessabit. Quia ergo disputatione de illuminatione Angelorum cum disputatione de eorum locutione est coniuncta, imò disputatione de locutione tamquam de re vniuersaliori, quadam ex parte antecedente debebat disputationem de illuminatione, utramque hoc loco coniungemus.

Quod ad illuminationem in particulari attinet, animaduertendum est: Proprium esse Dei optimi maximi illustrare tam nostras, quād Angelorum mentes, lumen, cognitionem, aut species in eas immedietate immittendo, eiusmodique illustrationes & splendores Sanctorum, appellari Dei illuminationes, quibus eos illuminat, & suo etiam modo locutiones, quibus cum eis dicitur loqui, ut Osee secundo de anima iusti: Ducam eam ad solitudinem, & loquar ad cor eius. Unus verò Angelus, quæ illabi non potest in alium, neque in animam nostram, non potest hoc modo aliud Angelum illuminare de veritate aliqua occulta, sed solum aliquo locutionis generi eum docendo.

Animaduertendum est deinde, tres actus à Beato Dionysio 3. cap. ccœlestis Hierarchiæ constituti, quos: rima Angeli

Angeli superiores comparatione inferiorum exercitent, nempurgare, illuminare, & perficere. Hi vero tres actus, vt Richardus & Gabriel in 2. dist. 9. quæst. 2. probè notant, vñus & idem actus sum secundum rem, solaque ratione inter se distinguantur. Idem quippe actus, quo veritas occulta dignoscitur, & quo inferior Angelus à superiori docetur, quatenus per eum expellitur ignorantia ab Angelo inferiori, dicitur purgatio: non quidem à labe peccati, sed ab ignorantia, non prædispositionis, sed puræ negationis, quæ erat prius in Angelo qui docetur: quatenus vero per eum manifestatur illi veritas prius ignota, dicitur illuminatio: & quatenus est quædam perfectio intellectus, dicitur per eum perficiab Angelus superiori.

Quod vero ad locutionem in genere attinet, vt sit ambitu illuminationem comprehendit, sciendum est: Lumen ipsum rationis dicare, Angelos inter se loqui: quippe cum intellectu & libero arbitrio sint prædicti, societatemque inter se habeant, & rem publicam perfectissimam, multò melius quam nos, constituant, ad quod colloquio est necessaria. Accedit, quod id ex literis sanctis est etiam manifestum. Isaïa 6. Seraphim clamabant alter ad alterum, & 63. Iuxta plurimorum sanctorum expositionem, C quos quest. 57. artic. 5. citauimus, inferiores Angeli interrogabant superiores: *Quis ejus iste, qui venit de Edon?* Zacharia 1. Ecce Angelus, qui loquebatur in me, egrediebatur, & Angelus alius egrediebatur in occurrence eius, & dixit ad eum. Ecce. Apostolus Iudas in sua canonica: *Cum Michael Archangelus cum diabolo disputans altercavetur de Moyse corpore.*

Tota rei huius difficultas in eo est posita, vt explicetur modus, quo vñus Angelus cum alio possit loqui, cùmne illuminare. De qua re magna ex parte dictum est quæst. 57. artic. 4. dum disputationis an Angelis sint naturaliter occulta cogitationes cordium, siue illæ ab hominibus, siue ab Angelis elicantur.

*Angolorum  
lumen ut à  
unumnullus ex  
plicetur.*

Vt quæfione citata dicebamus, iij, qui affirmant vñum Angelum posse naturaliter cognoscere intuitiū cogitationes alterius, ea tamen de causa eas regulariter de facto non cognoscere, quod Deus ad id deneget suum concursum vniuersalem, facilē se expedient ab hac questione. Dicunt enim, quod vñus Angelus dirigit in aliū suum conceptū, intendens eum illuminare circa rem aliquā, quæ eum lateat, aut cum eo loqui de re illi manifesta. Deum concurrens concursu vniuersali cum intellectu illius, quem aliis vult illuminare, aut cum quo vult loqui, vt intuitiū cognoscat conceptum illuminantis, aut loquentis, eaque ratione per visionem, quæ cōceptum illuminantis & loquentis intuetur, ipsum mēte audire, formarēque vterius notitiam, ac cognitionem de re, de qua aliis eum illuminat, aut de qua loquitur: simul etiam reddit facile rationē quare solus is illuminetur & audiat, ad quē aliis dirigit suum cōceptum, & cum quo loquitur, ceteri vero non item. Quoniam Deus solū concurrens concursu vniuersali cum intellectu illius, ad quem conceptus dirigitur, & non cum intellectibus aliorum, atq; ita sit, vt ille solus audiat intuitiū cognoscēdo conceptū, qui ad ipsum dirigitur. Sententiam hanc impugnamus latè, & tamquam parum veritati, & Scripturis sanctis consonam reiecimus quæst. 5. artic. 4. citato.

Ex fautoribus sententia, quod Angelus naturaliter possit intuitiū agnoscere cogitationes alterius, nisi Deus illi suum concursum vniuersalem subtrahat. Scotus in 2.d. 9.q. 1. & 2. asseverat, vñus Angelum posse illuminare aliū, & cum eo loqui effecti-

A uè producendo in intellectum illius conceptum, acutumque intelligendi rei, de qua vult cum eo loqui intellectu eius, qui audit, concurrente solū passiuè addit præterea posse producere in eum, vel solū conceptum, acutumque intelligendi, vel solam speciem intelligibilem, vel utrumque simul.

*Ex Scotis sententia ut loquantur An geli.*

*Probatio Scotti.*

Probat vero posse producere conceptum, acutumque intelligendi, quoniam id, quod est sufficiens in actu primo comparatione alicuius effectus, potest producere illum in quoquis subiecto susceptivo, modò sit debitis coniunctum sed intellectus Angelii loquentis est in actu primo comparatione cōceptus, B actuque intelligendi rem de qua vult loqui, quandoquidem habet omnia requisita, vt illum in se ipso producat: & Angelus, cum quo vult loqui, est quod ad intellectū susceptivus illius, poteritq; esse debitis coniunctus: ergo poterit eū in illius mēte imprimerē.

Addit Scotus, vñus Angelum non solū posse ita loqui cum alio, illūmque illuminare quando nō distat, ab eo, sed etiam quando ab eo distat: ed quod agens agere possit in id quod distat, nihil interim per medium effundendo: attamen, inquit, *semper necessaria est certa distantia, ut agens agere possit in pafsum maior, vel minor, pro qualitate virtutis agentis, eaque de causa vñus Angelus non poterit loqui cum alio, autum intelligendi in mente illius producendo, à qua cumque distantia, sed à certa & determinata.*

Iuxta hanc suam sententiam reddit etiam rationem Scotus, quare vñus Angelus possit loqui cum alio, eumque illuminare, alii neque audiētibus, neq; illuminatis. Quoniam sicut cuius Angelus liberè producit in scipio actuū intelligendi, ita liberè eum producit in aliis, eaque ratione pro sua libertate poterit illum producere potius in hoc, aut in his, quam in aliis, & ita loqui potius cum hoc, aut cum his, quam cum aliis, eis minime audiētibus, ed quod careant actu, per quem rem eam intelligent.

Sententia hæc Scotti, quatenus affirmat Angelum posse producere effectū in re distante, nihil producēdo in mediū, sufficiens impugnata est q. 8. artic. 1. Quatenus vero affirmat, vñus Angelum posse producere actuū intelligendi rem de qua vult loqui, intellectū alterius, alio concurrente solū passiuè ad talem actuū, ac sola intellectus aure auscultāre, impugnatur ab Ochanio in 2.q. 20. & quodlib. 1.q. 8. à Greg. 2.dist. 10.q. 2. Gab. dist. 9.q. 2. art. 3. à Cap. d. 11. q. 1. ad argumenta contra tertiam conclusionem, & à Caiet. q. seq. art. 1. Poſtulūq; nos primò argumētari in hunc modū. Omnis intellectus ac perceptio obiecti est operatio immanens ac vitalis: ergo esse nequit in aliquo intellectu, ita vt is intellectus per eā aliquid percipiat, quin ad illam efficienter concurrat. Pater consequentia, quia omnis operatio immanens ac vitalis, efficienter à potentia, in qua est, & qua per eam percipit obiectum, vt q. 12. & alias sa- po in superioribus abundē ostendimus. Nec minus implicat contradictionem intellectū intelligere per actuū intelligendi, non à se, sed ab alio intellectū efficienter productum, quam vñus ignem calefacere per calefactionem, non à se, sed ab alio igne producēam: ed quod intelligere non aliud sit, quam potētiam intelligentiam efficienter ac vitaliter exprimere in se imaginem rei, quæ intelligitur, vt saepe in superioribus explicatum est. Secundò ad intelligendum concurrens efficienter tum intellectus, tum etiam species intelligibilis, aut id quod instar illius habet, vt compertum est: sed licet concursus intellectus, quatenus ad imperium voluntatis applicatur ad intelligendum sit liber: concursus tamen speciei non

Hh h est

est liber, sed naturalis, non potens non agere, quantum est ex se: cum ergo concursus intellectus ad intelligendum non possit se extendere extra intellectum, eò quod actio intellectus sit immanens, solumque superfit concursus naturalis speciei quem posset fingere Scotus extendere se ad alienum intellectum ad intelligendum, sanè insufficiens rationem reddit, cur vñus Angelus posset loqui cum alio, aliis non audiuntibus, ex parte concursus liberi Angeli ad producendum conceptum, autemque intelligendi potius in intellectu huius, cum quo vult loqui, quā in intellectibus aliorum. Tertio, ut probet argumentantur Gabriel & Ochamus, si ratio Scotti aliquius esset momenti, eodem samē modo probaretur, voluntatem vnius Angeli posse producere volitionem in voluntatem alterius, efficeretque eum velle, eo concurrente solum passiuē, quod est ridiculum: efficeret namque eum consentire in peccatum, illo non concurrente ad talēm consensem. Consecutio probatur, quia sicut intellectus vnius Angeli est in actu primo, & sufficiētē ad producendam in se ipso intellectōnem, & intellectus alterius suscepitūs est intellectōnis eiusdem rationis: sic quoque voluntas vnius angelī, qui actu aliiquid vult, est in actu primo & sufficiētē ad producendam in se volitionem, & voluntas alterius eiusdem rationis volitionem suscipere potest: quare si illa est sufficiētē ratio, ut intellectus vnius angelī possit producere intellectōnem in intellectu alterius, erit etiam sufficiētē, ut voluntas vnius angelī possit producere volitionem in voluntate alterius. Inde verò vlt̄riū sequitur, aliquid posse esse volitum ab aliquo, à quo non sit praecongnitum, sed solum ab eo, qui ut in se ipso potest producere volitionem, eò quod habeat causam sufficiētē, ut eam in se ipso producat, sic etiam, iuxta principium Scotti, producere eam posset in voluntatem alterius, concurrentem solum passiuē ad eam volitionem, quod tamen est absurdum. Item ex ratione Scotti sequeretur, posse vnum angelum efficerē scientiam conclusionis in intellectu alterius, existente notitia principiorum solum in suo intellectu. Si namque ratio Scotti legitima est, cūm angelus, qui habet assentum principiorum, & bonitatis consequentia, habeat sufficiētē causam ad efficiendam in se ipso scientiam conclusionis, & alius angelus suscepitūs sit eiusdem scientiæ, utique poterit, ut in se ipso, ita & in alio angelo eam efficeret, praevio in seipso dumtaxat assentū principiorum: habetque hæc ratio vim præsertim aduersus Scotorum, qui affirmant angelos discurrere posse. Quartū, audire est percipere sinum alterius factū ad aliud significandum, quo mediant, is qui audit, format vlt̄riū notitiam rei significatae, sed vnum angelum recipere conceptum rei, quam alius concipit, non est percipere signum alterius exhibetum ad aliud significandum: ergo neque vnum angelum producere in mentem alterius conceptum rei, quam ipse concipit, est loqui cum eo, in cuius mentem illum producit, nec alterum angelum illum recipere est audire, sed solum percipere rem, non secus ac si per se ipsum formaret eundem conceptum, quod nemo appellaret audire.

*Ad Scotti  
argum.*

Ad argumentum ergo Scotti neganda est maior, quando effectus est actio immanens & vitalis: ad eiusmodi namque effectum necesse est, concurrat efficienter, ramquam pars causa, ea potentia, in qua ut in subiecto, recipitur, neque ea potentia producere illum valet extra se: & idcirco potentia, quæ est

A in actu primo ad producendum illum in se ipsa, sufficiens non est ad producendum effectuā eiudem rationis in aliam potētiā, quia illius sit suscepitū.

Sententia D. Thomæ q. sequente est, vnum angelum eo ipso loqui mentaliter cum alio, quod ad imperium voluntatis conceptum suum internum dirigit in eum quo cum loquitur, eo enim ipso, ait, *conceptum illum internum, qui alioquin suape natura erat occultus, naturaliter fieri manifestum, non cumque, sed ei dumtaxat in quem dirigitur: fieri vero ad ei manifestum, ut intuitus eum agnoscar: quare cum directo conceptus ad imperium voluntatis, sit ratio, quod ei dumtaxat sit manifestus, ad quē dirigitur, efficitur, ut vñus angelus loqui possit cū vno, aut pluribus, ad quos pro sua libertate dirigit suos cōceptus, aliis id non audiētibus. Eum vero quo cū loquitur conspicere conceptum internum loquenter, & per eum de qua loquitur, est audire mentaliter.*

Hæc sententia, cum intellectu, tum etiam creditu est difficultis, satisque ut arbitror eam impugnauimus q. 57. artic. quarto, nec satis intelligitur quānam ratione sola directio, hoc est, efformatio conceptus ad imperium voluntatis in ordine ad hunc potius quām ad illū, faciat conceptus, alioquin suape natura occultos, manifestos huic potius quām alteri: præsertim cū ipsummet imperium voluntatis, ac directio conceptuum, sit actus internus, ac proinde suape natura etiam occultus.

Sit ergo prima conclusio hac in re perdifficilis, & nobis occulta: Angelus secum & cum Deo, potest loqui mērē mentaliter. Hæc est communis omnium, ex eoque est manifesta, quoniam cogitationes intellectus, tam ei qui illas format, ut quæst. 57. artic. 4. explicatum est, quām Deo sunt cognitæ: ergo eo ipso, quod dirigat eas ad Deum, ut est efficit, qui mente orat Deum, loquetur cum eo, & Deus eas audiet, hoc est percipiet. Hoc modo loquebatur Moyses cum Deo Exod. 14. quando Moysi nullum ore clamorem mitenti dixit Deus, *Quid clamas ad me?* Eo etiam ipso quod ad ipsum illæ dirigantur, aut quod aliquis secum cogitet, nec cogitationes sua dirigat ad alii, loqueretur secum: conceptus quippe mentis verbum dicitur, multiplicatioque conceptuum ordinatorum seu colligatorum inter se mentis fermo appellatur.

Secunda conclusio. Vnus angelus non videatur posse loqui aliter cum alio, cūmve illuminare, quām per nutus, spiritualē tamen, signāq; spiritualia, quā ad exprimendos suos conceptus poterunt sibi numerum multō inclūs exhibere, quām nos ad exprimendos nos fratres exhibeamus. Poterunt etiam adhibere signa corporea facta motione, aut impressione aliqua in corpore: item motu suæ proprie substantie in spatio poterunt sibi ipsi signa exhibere, multique alii modis, ipsis melius, quām nobis cogniti. Hæc est Gregorij loco citato, & ad eam accedit Durand. in 2. d. 11. q. 2. in fine questionis, & plerique alii, estque expresa glossa in illud Pauli 1. ad Corin. 13. *Si linguis hominum loquar. Vbi ait, Angelis propositi significant inferioribus, quod fit Dei voluntatis primi sentient, quod fit quibusdam signis, & nutribu. Potest etiam confirmari ex eisdem verbis Pauli, tribuit namque angelis linguam ad loquendum ac proinde vim loquendi exteriorū per signa. In quæ verba ait Chrysostomus: Linguam angelorum non carnem, non carneum significans instrumentum, sed consonantiam inter se consuetudinem, modo nescio cognitum. Fuerit præterea Hieronymus, aut quietumque eius operis autor, in illud Iob. 24. 13. subito apparuit ante Potesit etiam conclusio probari. Primo, quoniam angelis*

angeli inter se loquuntur, ut ostensum est, omnésque conseruantur: cum ergo non loquuntur solis conceptibus, sed quod conceptus vnius sit naturaliter aliis occultus, ut q. 57. artic. 4. est ostensum, efficitur, ut loquuntur signis externis quibus suos exprimant conceptus. Secundò, Angelus spectatus in suis tantum naturalibus mentiri potest alteri angelo, non secus ac vnu homo mentiri potest alteri homini: sed mentiri est aliud manifestare exteriori signo, & aliud habere in mente: definitur namque, esse contra mentem ire: ergo angeli loquuntur adinuicem, signis externis ac nutibus. Quod si quis peccat, virum huiusmodi signa significante expostiones, respondendum est, eo fanè modo significare. Sicut enim homines qui numquam antea essent locuti, imponere possent signa ad exprimendos inuidem suos conceptus, & inuenire linguam, qua mutuos conferent sermones, ita multò citius & melius id efficiere poterunt angeli, & fortè eruditissima, qua sic loquerentur, conditi sunt à Deo, ut de primis parentibus in tractatu de opere sex diuinorum dicimus.

*Angeli eru-*  
dite lingua  
qua inter se  
veretur co-  
dit.

*Angelos po-*  
sunt signi cù  
homino im-  
mutatio eius  
imaginatio-  
nem.

Dicitum est in hac secunda conclusione, vnum angelum non videri posse loqui cum altero angelo nisi per nutus & signa: quia cum homine loqui potest immutando imaginationem illius, eóque pacto angelus Domini in somnis apparuit Ioseph, locutusque est cum illo, similiterque videntur angeli sape locuti cum Prophetis in spiritu: licet enim angelus illabi non posit in substantiam animae, aut alterius angelii, immittendo aliquid immutando in intellectum & voluntatem, excitare tamen potest cogitationes in imaginatione, immutatione facta in organo corporeo, in quo imaginatio residet, indéque vtlerius efficiere cogitationes in intellectu, ut q. 56. artic. 2. dictum est.

Iuxta hanc, quam sequitur, sententiam non video quo modo vnu angelus loqui possit cum alio, aliis non auditibus, si ad id attendant; quippe cùm iuxta hanc sententiam, audire in angelis non aliud sit, quām percipere per intellectum signa externa, & nutus: hec autem non video quo modo possint occultari, neque id Gregorius Ariminensis absurdum reputat. Posset fortè aliquis dicere, Deum denegare concursum generalem, quando expedit, ut alii non audiant, eaque ratione alios non audire.

Illud admonuerim, opinionem D. Thomæ hanc ratione, maiori cum probabilitate, quam quamcumque aliam, posse defendi, si dicamus, ad diuinam prouidentiam, ordinariaque naturæ spectare, ut Deus id supplet, quod ad angelorum locutionem est necessarium: eaque de causa cùm cordium cogitationes ex sua natura sint aliis angelis occultæ, & nihilominus necessaria sit mutua inter eos interna locutio, Deum quasi naturali lege statuisse, quando vnu dirigit conceptus suos ad alium aut alios ut mentaliter cum eis loquatur, ita concurrendo particulariter cum intellectu eius, aut corum, ad quos diriguntur, ut illos percipiatur atque intueantur, quoniam id naturæ ordo postulabat. Sicut etiam quasi legem statuit, tum ut quando preces ad beatum aliquem funderentur, eas illi vel in Verbo, vel in proprio genere manifestet, ut questione 12. dictum est. Tum etiam ut quando datur ultima dispositio in materia ad animam rationalem, tam creat, ac corpori infundat, ut sit hominis generatio. Neque particularis hic concursus Dei ad eam generationem necessarius censetur supernaturalis, sed naturalis: ed quod humana generatio eum efflagi-

Molina in D. Thom.

A ter. Iuxta hanc rationem defendendi opinionem Diui Thomæ facilè intelligitur, quo pacto illi soli angeli mentaliter audiant, ad quos fit locutio. Consequenter tamen dicendum est, angelos, etiam malos, non posse angelis aliis mentiri, nisi quando solis signis externis vellent cum eis loqui: neque enim pugnat angelos vtroque modo adinuicem loqui. Quod si ea ratio vera iudicetur, dicendum erit, animas separatas eodem modo mente loqui inter se, & cum angelis. Quin & homines beatos post diem iudicij, quando corpora non impudent, quominus mente angelos intueantur, eodem modo posse mente loqui, & inter se, & cum angelis.

Circa illam quæstionem, num angelii à quacumque distantiâ possint alium loquenter audire. Iuxta hanc rationem defendendi opinionem Diui Thomæ dicendum est, posse. Quod si obicias, Diuum Thomam sape affirmare, angelum loquenter efficeri aliquid in mente audiens: angelum autem non posse à quacumque distantiâ agere in intellectum alterius. Respondent quidam, Diuum Thomam intelligendum esse de efficientia modo morali, quatenus eo ipso, quod vnu angelus conceptus suos ad alium dirigit, ut cum eo colloquatur, naturæ ordo postulat, ut Deus instar agentium naturalium actione reali cum angelo, cui locutio fit, ad audiendum concurrat, aut quatenus angelus, qui loquitur, proponit obiectum, hoc est, locutionem, angelo audiensi, ut eam percipiat. Ac fanè, nullatenus est concedendum, angelum mente loquenter, quicquam in intellectum audiens reali efficientia producere. Tum quia id sine illapsu intelligi non potest. Tum etiam quoniam, interiecta quacumque distantiâ id nullo pacto fieri posset, ut in superioribus est ostensum. Iuxta sententiam vero quæ afirmat, angelos signis externis intuicem loqui, si dicamus angelos intelligere per species infusas, dicendum est, vnu angelum posse audire à quacumque distantiâ: quoniam per species infusas percipi poscent obiecta à quacumque distantiâ. Si vero affirmemus, accipere species à rebus, dicendum est, solum ab ea distantiâ posse audire, ad quam species signorum exterorum perueniunt proportionata, ut angelus, qui auditurus est, signa illa intelligat.

E Hæc mihi, iuxta principia, quæ hæc tenus iecimus, dicenda occurrerunt de hac re difficulti, circa quam nihil habemus certi, quod in medium afferramus: dixi tamen quod vero similius iudicaui, suspicans rem fortè longè aliter habere. Est namque res hæc semota valde à sensibus nostris, neque ex Scripturis sanctis constat modus, quo angeli inter se loquuntur.

### ARTICVLVS II.

*Vtrum vnu angelus moueat voluntatem  
aliorius.*

**P**RIMA conclusio est. Ex parte potentiae efficiendo scilicet immediatè volitionem voluntatis, vnu angelus non potest mouere voluntatem alterius, sed id est proprium Dei. Hoc patet ex dictis art. præcedente, & supra quæsione 56. artic. 2.

Secunda conclusio, ex parte obiecti, quatenus angelus ipse est bonus quoddam amabile per voluntatem alterius angelii eam ad id obiectum alliens, vnu angelus mouere potest voluntatem alterius.

Hh 2 terius.